

c) þar sem atvinnustarfsemi takmarkast við loftför með minna en 10 tonna hámarksflugtakspýngd eða færri en 20 sæti,

að teknu tilliti til sérkenna slíkra, litilla flugvalla.

Hlutaðeigandi aðildarríki skulu gera framkvæmdastjórninni grein fyrir þessum ráðstöfunum.“

– eftirfarandi málsgrein bætist við:

„3a) Ákvæði 3. mgr. geta einnig gilt um aðgreind svæði flugvalla:

a) þar sem einungis er um að ræða almannaflyg eða

b) þar sem atvinnustarfsemi takmarkast við loftför með minna en 10 tonna hámarksflugtakspýngd eða færri en 20 sæti.

Tilgreina skal aðgreint svæði í flugverndaráætlun flugvallarins.

Tilkynna skal um þetta til ákvörðunarflugvallarins, að því er varðar hvert flug frá aðgreindu svæði flugvallar, fyrir komutíma flugsins.“

3) Í 7. gr. koma orðin „undir eftirliti“, „samræmis eftirlit“, „eftirlitsmenn“ og „samræmis eftirlitsskýrslur“ í stað

orðanna „skoðaðir“, „úttekt“, „skoðunarmenn“ og „úttektarskýrslur“.

4) Viðaukanum er breytt sem hér segir:

– eftirfarandi málsgrein bætist við í lið 5.2.:

„3. Undanþágur

Setja má lestarfarangur þeirra sem eru tilgreindir í 3. lið liðar 4.1 í sérstaka skimunarmeðferð eða undanþiggja hann skimun.“

– eftirfarandi komi í stað lokasetningarinnar í b-lið 1. liðar í lið 7.3:

„svo að tryggt sé eins og hægt er að í honum sé enginn bannaður hlutur eins og tilgreint er í iv- og v-lið í viðbætinum, nema tilkynnt hafi verið um hann og tryggilega séð um að gildandi öryggisráðstafanir nái til hans og“.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Strassborg 29. apríl 2004.

Fyrir hönd Evrópuþingsins,

P. COX

forseti.

Fyrir hönd ráðsins,

M. McDOWELL

forseti.

AUGLÝSING

um deiliskipulag í Kópavogi.

Dimmuhvarf 14. Breytt deiliskipulag.

Í samræmi við skipulags- og byggingarlög nr. 73/1997, með síðari breytingum, hefur bæjarráð Kópavogs þann 20. janúar 2005 samþykkt tillögu að breyttu deiliskipulagi lóðarinnar nr. 14 við Dimmuhvarf. Í breytingunni felst að norðvestan núverandi íbúðarhúss er bætt við byggingarreit fyrir vinnustofu á 1. hæð, að hámarki 112,5 m² að flatarmáli.

Uppdrættir hafa hlotið þá meðferð sem ofangreind lög mæla fyrir um.

Skipulagið öðlast þegar gildi.

Funahvarf 2. Grunnskóli. Breytt deiliskipulag.

Í samræmi við skipulags- og byggingarlög nr. 73/1997, með síðari breytingum, hefur bæjarráð Kópavogs þann 21. október 2004 samþykkt tillögu að breyttu deiliskipulagi lóðarinnar nr. 2 við Funahvarf. Í breytingunni felst að lóð stækkar, fyrirkomulag bílastæða breytist og þeim fjölgar og afmörkun byggingarreitar breytist.

Uppdrættir hafa hlotið þá meðferð sem ofangreind lög mæla fyrir um. Skipulagið öðlast þegar gildi.

Bláfjöll. Skíðasvæði. Deiliskipulag.

Í samræmi við skipulags- og byggingarlög nr. 73/1997, með síðari breytingum, hefur bæjarráð Kópavogs þann 3. febrúar 2005 samþykkt tillögu að deiliskipulagi skíðasvæðisins í Bláfjöllum. Í tillögunni felst afmörkun skíðasvæðis, skíðabrekku og svæðis fyrir skíðagöngu. Þar eru jafnframt skilgreindir byggingarreitir fyrir skíðalyftur, þjónustuhús, skála-byggingar og viðbyggingar við núverandi skála og skemmur. Gert er ráð fyrir stækkun núverandi bílastæða sem og nýjum bílastæðum í tengslum við nýbyggingar.

Uppdrættir hafa hlotið þá meðferð sem ofangreind lög mæla fyrir um. Skipulagið öðlast þegar gildi.

Kópavogi, 5. apríl 2005.

Birgir H. Sigurðsson skipulagsstjóri.